

444

444

W 24

E

24

DISPUTATIO JURIDICA
INAUGURALIS

DE

RE JUDICATA, ET DE EFFECTU
SENTENTIARUM, ET DE IN-
TERLOCUTIONIBUS.

QVAM

ANNUENTE DEO TER OPT. MAX.

Ex Auctoritate Magnifici Rectoris

D. PHILIPPI REINHARDI VITRIARI,
U.J.D. ejusdemque Facultatis Professoris Ordinarii,

NEC NON

*Amplissimi Senatus Academici Consensu, & Nobilissima
Facultatis JURIDICÆ Decreto,*


PRO GRADU DOCTORATUS,

Summisque in UTROQUE JURE Honoribus & Privilegijs
ritè ac legitimè consequendis,

Eruditorum examini subjicit

ADRIANUS DE LANGE, GOUDA - BAT.

Ad diem 24. April. horâ locoque solitis.



LUGDUNI BATAVORUM,

Apud ABRAHAMUM ELZEVIER,

Academiae Typographum. MDCXCIII.


DEO
TRIUNO,
PATRIÆ
PATRIBUS.

AC
OMNIS DOCTRINÆ
SPLENDIDIS LUMINIBUS.

Hæc Theses Inaugurales
Sacras esse jubet

ADRIANUS DE LANGE,

Auctor.





DISPUTATIO JURIDICA

INAUGURALIS

DE

Re Judicata, & de Effectu Sententiarum, & de Interlocutionibus.

CAPUT I.



ententia est de re, sive lite, Judicis ultima definitio, continens vel absolutionem rei, vel condemnationem *l. 1. D. h. t. & l. 19. v. 1. D. de Recept. arbitr.* sic dicta, quia ea iudex, quod sentit super re proposita, declarat. Res judicata est, quæ finem controversiarum pronuntiatione judicis accepit: quod vel condemnatione vel absolutione contingit *l. 1.*

D. h. t. non recte igitur Interpretes existimant, sententiam post decem dies transire in rem judicatum, si non sit appellatum; cum statim, atque lata est sententia, res judicata dicatur, arg. *l. 23. §. 1. D. de cond. indeb. l. 7. l. 11. D. de Transact. & l. 14. C. de appellat.* quod & visu n. *V. Cl. A. Matthæo disp. 13. de judic. th. 1. & Wesenb. in disp. ad h. t.* à quibus dissentiunt *Perez. Wesenb. h. t.* aliique.

Sententia alia est *Definitiva*, quæ propriè est sententia, quia

A

finem

finem imponit controversiæ motæ; ideoque iudex amplius judicare & sententiam sive veram sive falsam mutare non potest l. 55. & 42. D. h. t.

Alia *interlocutoria*, quæ & interlocutio hic dicitur, & improprie sententiæ nomine venit; cum sit pronuntiatio iudicis, in principio, aut medio litis interposita, quæ ad litis progressum & præparationem spectat, non etiam litem finit & perimit l. 9. C. de sent. & interloc. add. Gell. lib. 14. Noct. Att. cap. 2. & ideo retractari & emendari potest l. 14. D. h. t. In hoc igitur primo differt sententia definitiva ab interlocutoria. Secundo in eo quoque, quod condemnatus per sententiam definitivam in aliquo crimine, efficiatur infamis l. 1. §. qui in iudicio, D. de his qui not. infam. & l. 7. D. de publ. jud. cum per interlocutoriam nunquam quis efficiatur infamis l. 13. §. 6. D. de his qui not. infam. Marant. in specul. aur. par. 6. de sent. n. 3. & seqq.

Tertio differt, quia à sententia definitiva appellari potest, sed ab interlocutoria de jure civili non appellatur, ut habetur in l. 7. C. quor. appell. non recip. l. 2. C. de Episcop. aud. l. 2. D. de appell. recip. in qua tamen posteriore lege exceptio est, ut si iudex interlocutus sit id, quod cadat in definitivam sententiam, & habeat tale gravamen, quod non possit restaurari. Sande lib. 1. tit. 13. def. 1. S. van Leeuw. in Cens. For. par. 2. lib. 1. cap. 31.

Priusquam ad ipsam hujus dissertationis materiam, quam propositato in hac inclyta Academia more breviter interpretari suscepi, progrediar; exponam quænam iudex in ferenda sententia considerare debeat: quæ reduci fere possunt ad sequentia; nempe ad jus, factum, rem, sumptus litis, formulam, & solennia.

CAPUT II.

Primum debet iudex respicere ad jus: non enim licitum ei est, quo velit modo judicare, quippe cum legum minister, non arbiter sit: sed observare debet, ne aliter judicet, quam legibus aut moribus proditum est pr. l. de offic. jud. l. 13. C. de sent. & interl. auth. jubemus C. de judic. nov. 126. cap. 1. eique congruum est, quod sum-

summi viri, Plato & Aristoteles, sapius tradidere, *judicem legibus alligatum esse oportere*. Item quod Cicero alibi meminit, inquit, *istud est hominis magni & sapientis, cum judicandi causa tabellam sumpturi, non se putare esse solum, neque sibi quicquam cupierit, lucere, sed habere in Consilio legem, religionem, aequitatem*. Idque adeo verum est, ut si a iure judicaverit iudex quam legibus proditum sit, sententia non subsistat; maxime si de jure legis aut constitutionis velit judicare, hoc est expressim contra rigorem juris, ut si eum, qui allegabat excusationem à tutela, ob numerum liberorum, aut onus trium tutelarum, aut ætatem, nihilominus damnaverit; addens, ejusmodi non excusare, non valebit ipso jure sententia, in tantum, ut ne appellatione quidem opus sit *l. 19 D. de appell. l. 1. § 2. D. quæ sent. sine app. l. 2. C. quand. prov. non est nec. Bachov. in not. ad Tricul. disp. 23. ib. §. l. A.* at vero si iudex de jure ipsius litigatoris pronunciavit, sententia subsistit, licet is affectus sit injuria; proinde cum non provocaverit, videtur judicatum approbare, & jus suum remittere: v. g. de jure suo probantem admisit iudex, sed ideo contra eum sententiam dixit: quod negavit eum de ætate sua, aut de numero liberorum probasse; de jure litigatoris pronuntiasse intelligitur; quo casu appellatio necessaria est *d. l. 1. §. 2.* similiter actor centum nomine sortis & viginti usurarum, petit; reus vero negat, usuras usurarium à se ex constitutionibus peti posse; iudex reum in quantitatem petitam condemnat; existimans, constitutiones eas ad hanc rem non pertinere; licet iudex id injuste & imperite faciat; tamen rei judicatz standum esse responsum est *l. 27. § 32. D. h. t.*

Debet igitur secundum jus judicare, prætextu autem æquitatis à jure recedere non debet; utique quoties mens & verba legis certa sunt, licet rigida sint, hoc enim soli Principi permissum est *l. 1. C. de legib. l. 12. §. 1. D. qui & à quib. man. l. 40. D. de petit. her.* quod si aut verba incerta, aut mens ambigua sint, tum æquitatis rationem habere debet, & in mitiorem interpretationem inclinare *l. 18. 19. D. de legib. l. 8. C. de judic.* & huc illa regula juris pertinet, *in omnibus quidem, maxime tamen in jure æquitas spectanda est l. 90 D. de Reg. Jur.* ideoque dictum à veteribus, *summum jus, summam esse injuriam*, quod Cicero refert *lib. 1. de offic.* item in *Orat. pro Cæcin.* scriptum sequi calumniatoris est; boni iudicis, scriptoris ro-

luntatem auctoritatemque defendere. Columella, summam crucem, Terentius summam malitiam vocat. adi Vinn. ad pr. I. de offic. jud. & Donell. lib. 26. cap. 2.

Ceterum, postquam placuit, judicem ad leges attendere, quaestum est, an hoc pertineat quoque ad summas praefecturas, seu curias ultimae jurisdictionis; quod quidam negant, putantes, eas judicare posse, prout eis æquum visum fuerit, etiam contra jus. Sed mihi contrarium videtur, propter Justiniani Nov. 8. cap. 12. in quo nominatim de Praesidibus Provinciarum mentionem facit: & omnem dubitationem tollit in Nov. 82. cap. 13. Donell. dict. loc. satis de jure dixi.

CAPUT III.

Venio ad factum; in quo hoc observatur, ut judex secundum acta & probata judicet l. 14. C. de judic. l. 6. §. 1. D. de offic. Praesid. ideoque reus convictus condemnandus est; sin aliter, etsi nihil ipse praestet, absolvendus est l. 4. C. de edend. l. 9. C. de oblig. & act. si aliquid desit in facto, hoc judex non supplebit: aliter ac si quid in jure consistens omisum, aut perperam allegatum sit; quia jus certum est, & notum esse debet judici l. un. C. ut qua des. adv. jud. supp. Vetus est quaestio & à Gellio proposita lib. 14. cap. 2. in med. quid judex facere debeat, si aliter ipsi constet de facto, quam liqueat ex actis & probatis, utrum secundum ea, an secundum propriam conscientiam judicare debeat. Hac in re dissentiunt veteres Glossatores Martinus & Joannes: quorum hic conscientiam amplexus est, ille acta & probata. Verum placet, hac in re tutius esse, quod suaseret quidam, ut deposita judicis persona, assumat personam testis vel accusatoris; quia nec adversus conscientiam judicare religio, nec contra acta & probata utilitatis publicae ratio permittit. vide Donell. lib. 26. c. 3. Cujac. lib. 12. observ. cap. 19.

Atque hac usus est ratione C. Julius Decemvir, qui accusator ad populum extitit ejus rei, cujus judex legitimus erat, apud Liv. lib. 3. cap. 33. idem voluit Africanus posterior, apud Cic. pro Cluent. & Valer. Max. lib. 4. cap. 1. n. 10.

C A-

CAPUT IV.

Deбет iudex quoque attendere ad rem; hoc est, ad id quod petitum est & deductum in iudicium, non enim debet egredi libellum petitoris, & in aliud condemnationem facere, quam quod petitum est, arg. l. 18. *D. comm. div.* quid autem in iudicium deductum esse intelligatur, id si quaestioni sit, quod auctori utilius est, accipiendum est l. 66. *D. de iudic.* Etsi enim solemus dicere, id venire in iudicium, de quo actum est inter litigantes; tamen Celsus ait, periculose esse, ex persona rei hoc metiri: qui semper, ne condemnetur, hoc dicet, non convenisse. Quid ergo melius est dicere, id venire in iudicium, non de quo actum est, ut veniret; sed id non venire, de quo nominatim actum est, ne veniret l. 61. *D. eod.* idque & Paulus probat l. 83. §. 1. *D. de verbor. oblig.* sic scribens, si Stichum stipulatus de alio sentiam, tu de alio; nihil actum erit, quod & in iudicis Aristo existimavit. Sed hic magis est, ut is petitus videatur, de quo actor sensit; nam stipulatio ex utriusque consensu valet: iudiciam autem etiam in invitum redditur, & ideo auctori potius credendum est, alioquin semper negabit reus se consensisse.

Porro petuntur quaedam palam, ut ipsa res, quaedam tacite & per consequentiam, ut fructus, impensae, & aliae accessiones, quae à tempore litis contestatae veniunt l. 2. *C. de fruct. & lit. expens.* etiam si itaque specialiter fructus petiti non sint una cum re, tamen in iudicium veniunt, quia eo ipso petiti intelliguntur, quod res principalis petita sit, atque hoc pluribus in locis traditum est, ut l. 35. §. 1. & l. 20. *D. de rei vind.* l. 31. *D. de reb. cred.* l. 2. *D. de usur.* De fructibus ante litem contestatam perceptis non cognoscit iudex, nisi rogatus l. 25. §. 8. *D. de adlit. edict.* praeterquam in hereditatis petitione, in qua fructus ipsam hereditatem augent l. 40. §. 1. & 2. *D. de petit. hered.* Donell. lib. 26. c. 4. Perez. ad Tit. *C. de fruct. & lit. exp.* A. Marsh. disp. 11. de iudic. th. 14. & seqq. Superioribus illud addendum est, quod etsi non debeat regulariter iudex reum in aliud condemnare, quam quod petitum est; tamen ab eo non utique in rem ipsam, sed saepe in aestimationem condemnatio fieri potest; hoc enim ut faciat iudex, aliquando necessitas jubet, ut si res petita aut culpa aut mora rei perierit l. 15. §. 3. l. 36. §. 1. *D. de rei vind.* l. 8. l. 14. §. 2. *D. de cond. furt.* Est item,

A 3

ubi

ubi id humanitas velit; ut si aliena res legata sit; negetque heres, dominum eam vendere, vel immensum pretium ejus petere, assermet. Aut si servus, filius naturalis, aut servus, pater naturalis, ab herede legatus sit; quippe durum foret, si pater cogeretur filium, aut filius cogeretur patrem alteri in servitutem dare, ideoque conceditur eis, ut possint defungi præstando æstimationem. Ita in homine benigna ratione receptum; sed in aliis rebus non placuit *l. 14. §. ult. D. de legat. 3. §. 4. l. eod. & l. 71. §. 3. & 4. D. de legat. 1.*

Præter hæc facit interdum potestas juris, ut in id quod interest condemnatio fiat, uti in omnibus dandi & faciendi obligationibus: v. gr. aliquis promisit se daturum vel facturum. Quod si faciat, aut det, bene est, sin minus, non potest ad hoc præcise cogi; sed potest se liberare præstando id quod interest: scilicet, quia servile habitum fuit, et si promissorem, tamen hominem liberum, cogi facere quod nolit; sed & stipulator visus est rem stipulatus esse cujusdam utilitatis causa: si autem habet id quod interest, creditur eam utilitatem habere *l. 13. §. 1. D. h. t. l. 72. D. de verb. obl. l. 11. §. 9. D. & l. 4. C. de act. empt. Donell. lib. 26. com. cap. 5.*

Cæterum, cum in æstimationem condemnatur reus, fit ea æstimatio al quando per actorem, delato ei iurejurando in litem; ut si non fiat restitutio ob dolum aut contumaciam possessoris, & hoc evenit in omnibus bonæ fidei judiciis & arbitrariis; dummodo de restituendo vel exhibendo agatur *l. 5. pr. §. 3. l. 8. D. de in lit. jur. l. 2. C. eod.* nam contractus emptionis venditionis, a que ac reliqui contractus, liber esse debet, adeo nemo debet cogi, ut rem suam vendat, licet iusto pretio; & si debet ob dolum aut contumaciam adversarii, tum ei hoc saltem concedi æquum est, ut ipse possit pretium rei suæ constituere, quantum velit; non ut reus rem æstimet *l. 9. & 10. D. de act. rer. amor.* Plane, si in bonæ fidei judiciis agitur quidem de restituendo, sed tantum culpare non restituitur, tum aliud dicendum est; iudex enim absque delatione iurejurandi litem ipse æstimat per se, eaque æstimatio quod interfit agentis continet *l. 5. §. 3. l. 2. §. 1. l. 4. §. ult. D. & l. 2. C. de in lit. ur* Similiter, si sit quidem bonæ fidei iudicium, sed in quo agitur de dando aut tradendo, ut in emptione venditione, tum si non detur aut tradatur res contumacia aut culpa
ven.

venditoris, officio judicis æstimatio facienda est *l. 4. C. de act. empr. & vend.* idem est in stricti juris judiciis; nisi si res interierit post moram: tum enim actori jusjurandum offerendum est, ut juret, quanti sua interlit, quia judex non potest rem, quæ non existit, sine relatione jurisjurandi æstimare *d. l. 5. §. ult. l. 6. D. de in lit. jur.*

Illud observandum est, quod id quod interest aliter æstimatur in casibus certis, aliter in incertis. Si enim casus certi sint, tum id quod interest non excedit duplum veri pretii; ubi vero incerti sunt; tum judex ex sua subtilitate in rem inquirere debet, & æstimare quantum in rei veritate interest actoris vel rei *l. un. C. de sent. quæ pro eo quod int. ubi Cujac. in parat.*

CAPUT V.

Sequitur, ut ad sumptus litis transeamus: in quibus notandum est, campœnam esse temerarii litigatoris, ut in litis expensas condemnetur, siue actor siue reus sit; nempe, quia earum faciendarum causam adversario præbuit *l. 79. D. de judic. & l. 13. §. 6. C. eod.* veniunt autem sub expensarum appellatione varia, ut salaria advocatorum, & procuratorum, & notariorum, item sportulæ judicum, exceptorum, apparitorum, nec non quæ testimonii dicendi causa evocatis dantur *d. l. 79. l. 4. & ult. C. de fruct. & lit. expens. l. 11. C. de testib.* nec interest, utrum sumptus facti sint ante licem contestatam, an vero post: ceterum debet judex victum vel ab eorum præstatione absolvere, vel in eorum præstationem condemnare *l. pen. C. de fruct. & lit. expens. & Nov. 82. cap. 10.* si mentio expensarum facta non sit, nullam amplius victor, earum recuperandarum causa, habet actionem *l. 3. C. d. 1.* non est quoque victori jus ea de causa appellandi *l. ult. C. quand. prov. non est necess.* quia judex eo nomine victori tenetur *l. 13. §. 6. C. de judic. & l. 5. C. de fruct. & lit. exp.* non omnis victus condemnatur in expensas, sed ille, qui temere aut improbe adversarium in jus vocavit *§. 1. Inst. de pen. tem. litig. & d. l. 79. D. de judic.* Si justam igitur causam litigator habeat, quod interdum accidit, aut propter causæ obscuritatem & dubitationem, aut propter probabilem

bilem ignorantiam facti, aut incertitudinem juris natam ex discre-
pantibus Doctorum sententiis, placet, cum victum non con-
dennari in expensas l. 78. §. 2. D. de legat. 2. l. §. 1. C. de fruct.
& lit. exp. & auth. post iurandum. C. de iudic. quod iudicis pru-
dentia & religioni alt'mandum relinquitur, d. ll. hos, & plures
alios citus enumerant Perez. ad Tit. C. de fruct. & lit. exp. A. Matth.
d. disp. th. 35 & seqq. S. van Leenw. in Cenjur. For. par. 2. lib. 1. c. 31.
n. 13. & seqq.

CAPUT VI.

Monet tempus ut de formula cogitemus, quæ in sententia
adhibenda est. Et siquidem sententia à Pratore feratur, la-
tine terri debet l. 48. D. b. t. à Iudice autem pedaneo græce quo-
que pronuntiari potest l. 12. C. de sent. & interl. Donell. & Luaren.
ad d. l. 48.

Debet etiam pura esse formula; non sub conditione: dicta ta-
men si fuerit, subsistit; & tempus appellando præfixum à tem-
pore latæ sententiæ computatur, non à die conditionis existentis
l. 1. §. 5. D. quand. appell.

Debet quoque sententia condemnationem, aut absolutionem
continere l. 1. D. b. t. l. 3. C. de sent. & interl. quarquam non re-
netur præcise iudex ei verba condemnationis, aut absolutionis inferre;
sed sufficit, si æquipollentibus utatur verbis l. 59. D. b. t. l.
3. & 4. C. de sent. qua fin. cert. quant. prof.

Præterea desideratur, ut iudex certam ferat sententiam; nam
si incertam ferat, ipso iure nulla est; in tantum, ut ne appella-
tione quidem opus sit d. l. 3. & 4.

Illud non requiritur, ut causam adjiciat condemnationi, aut
absolutioni: sed potest, si velit l. 2. §. 2. D. de his qui not. inf. si ta-
men inferat, caveat, ne falsam aut ineptam addat; nam falsa
causa in sententia expressa vitiat sententiam l. 37. D. de excusat. tut.
ubi Brunnem.

Porro, ferenda sententia est adversus ipsum, cum quo lis con-
testata est; nec refert, utrum dominus fuerit, an procurator.
Nam si dominus principalis per procuratorem liti contestationem
fecit,

fecit, procurator condemnandus est; si aliter fiat, nulla est sententia l. 1. C. de sens. & interl. excipit Cujac. in parat. C. d. t. causam criminalem ex l. ult. C. de injur. And. Gail. 1. obs. 111. n. 3. in super addit matrimonialem. Quod si à domino lite contestata postea procurator constitutus sit; placet, hoc in casu non in procuratorem, sed dominum sententiam ferendam esse, arg. d. l. 1. C. & l. 6. §. 2. D. de his qui not. inf. hocque hodie observari, notat Gail. d. obs. n. 2.

Si procurator litem contestatus sit, mortuo domino potest eam peragere & finire, quia velut novatione facta dominus litis factus est l. 22. & 23. C. de procurat. si dominus per se litem contestatus diem obiit, tum in heredes ejus lis transfertur, quia in mortuum non potest ferri sententia l. 74. §. ult. D. de judic. & l. 2. D. quæ sent. fin. app. resc.

CAPUT VII.

Superfunt solennia sententiæ. Inter quæ hoc est, ut actor & reus convocentur ad audiendam sententiam, iisque præsentibus feratur, si unus absit, non valet sententia l. 47. D. h. t. Interdum tamen alterutro præsentem sententia pronunciatur l. 13. §. 6. C. de judic. v, gr. si reus vel actor per contumaciam absit, & ipsi denunciatio legitime facta sit, tum enim potest judex in absentem ferre sententiam l. 7. C. quom. & quand. jud. sent. Cujac. lib. 18. obs. cap. 30.

Debet porro sedens judex sententiam ferre, & si sit Prætor, pro tribunali l. 4. C. de dilationib. & l. 2. §. 1. D. quæ ord. in bon. poss. hoc idem nos docet Apulej. florid. 9. sic inquit; *Prætor cum Proconsule, & ipse tribunal adscendit, & ipse rogatus illuc videtur; & paulo post: ipse Proconsul sedens loquitur.* Si sit judex pedaneus, in subsellis eo loco, qui à Prætoribus constitutus erit, quod si non sit, jubetur eo in loco judicare, quo solet judicari sine incommodo litigantium l. 59. D. de judic. Sedentes autem ideo judicant, quia tum plus sapimus, inquit veteres, quippe cum animus in quiete sit. Unde Plūtus; *nimio potius sedens sapio, quam stans.*

Item debet judex ex breviculo seu tabella pronunciare & recitare

B

tare

rare sententiam non memoriter; l. 1. 2. & 3. C. de sent. ex peric. recit. in quoquo dict. loc. innuit Apulej. Enim vero ipse Proconsul modesta voce rarentur, & sedens loquitur, & plerumque de tabella legit. quippe praconis vox garrula, ministerium est; Proconsulis autem tabella sententia est. Hoc verum est, nisi lites sint breves, & maxime vilium personarum vel causarum *auth. nisi C. eod.*

Si plures constituti sint iudices, omnes debent adesse & judicare: nam si, uno absente, reliqui pronuncient, non valet sententia l. 39. D. h. t. si tamen omnes adsint, non requiritur, ut omnes consentiant; nam hoc & in simili re numerus major superat minorem d. l. 39. & 37. eod. Si dissonae sententiae inter pares numero iudices sint, ait Paulus, eam sententiam quae pro libertate est, potius esse, in aliis vero causis hanc, quae pro reo est l. 38. D. h. t. & l. 10. D. de inoff. testam. quod si in diversas condempnent summas, minimam spectamus l. 27. §. 3. D. de recept. qui arb. recep. junct. d. l. 38. §. 1. vide Cujac. lib. 12. obs. c. 16.

CAPUT VIII.

Effectus sententiae ac rei judicatae est, quod iudex, ubi tulit sententiam, finem liti imponat, & iudex esse desinat, ideoque sententiam sive veram sive falsam mutare non potest l. 55. l. 62. D. h. t. & l. 2. C. de sent. ex peric. rec. nec interest, iudex pedaneus ille sit, an Magistratus, ut Praetor vel Proconsul l. 14. h. t. Apulej. dict. florid. 9. Proconsulis tabella sententia est. Quae semel lecta, neque augeri litera una, neque autem minui potest: sed utcumque recitata est, ita provincia instrumento refertur. & Seneca in declam. & contrav. Iudex quam tulerit de reo tabellam revocare non potest. Quaestor non mutat pronuntiationem. Sic est in sententia definitiva, sed contra dicendum est in interlocutoria, ut ex d. l. 14. cap. 1. demonstravi. Hujus rei varia potest reddi ratio. Prima, ne infirmetur auctoritas rerum judicarum. Secunda, quia iudex hac in causa officio suo functus est d. l. 55. Tertia, ut iudices sciant, non esse procedendum ad sententiam, nisi adhibita omni circumspectione. Postrema, quia ex ea jus sibi acquisivit victor, quod non solum per iudicem, sed ne quidem Principem ei

ei auferri potest *l. ult. C. sent. resc. non poss.* actorum tamen verba emendare, manente tenore sententiæ, non prohibetur *l. 46. D. b. t. ut & eodem die supplere*, quæ ad consequentiam sententiæ pertinent, ut fructus, impensas *l. 42. D. b. t. l. 35. §. 1. D. de rei vind.* Quod si est, apparet, rei judicatæ standum esse *l. 1. C. b. t. nam pro veritate habetur l. 25. D. de stat. hom. l. 207. D. de R. J.* Denique jus facere dicitur: utique inter eos inter quos judicatum est; quoniam res inter alios acta, aliis non nocet *l. 63. D. de re judicat.* idque in tantum placet, ut nequidem ob prætextum erroneæ computationis retractari possit *l. 2. C. b. t. vel instrumentorum noviter repertorum l. 4. C. eod.* Exceptis quibusdam casibus *l. 35. D. b. t. l. un. C. de sent. ad fisc. retr. l. 31. D. de jurejur. Cujac. lib. 18. obs. c. 35. & Wissenb. in disp. 21. th. 15.* hoc non tantum obtinet in sententiis de rebus civilibus, sed & in criminalibus, ut si quis homicidii accusetur, & ad pœnam capitalem condemnatur, interim tamen dum sumetur supplicium, apparet, ipsum false condemnatum esse, non poterit sententia retrahi: quid igitur, an capite innocens plectitur? non, sed ea de re ad Principem scribetur, cum nullius juri eo præjudicetur *l. 1. §. ult. D. de questionib. l. 45. §. 1. D. de re jud.* Severissimum ea de re exstat exemplum apud Senec. in tract. de ira.

Alter effectus rei judicatæ est, quod sententia, postquam lata est, dein executione detur *l. ult. C. de execut. rei jud.* in qua examinabo 1°. à quo fieri possit, 2°. quando, 3°. quomodo, 4°. cui detur actio rei judicatæ, 5°. contra quem, 6°. quousque. Quod ad primum attinet, executio sententiæ fieri debet auctoritate publica, nam si actor ipse cepit bona judicati aut rapuit, tenetur actione furti, aut vi bonorum raptorum *l. 6. §. pen. D. b. t.* igitur magistratus ipse, qui jurisdictionem habet, sententiam suam executioni dare potest per apparitores; non etiam judex pedaneus; nam hujus sententiam exequitur, qui eum judicem constituit *l. 15. D. b. t.* quæsitum est de mandatario, an hic quoque exequi possit: Et sic mihi videtur, cum universa aut simpliciter jurisdictione mandata, totum jurisdictionis officium transferatur, ac proinde etiam executio *l. 1. §. 4. D. de suspect. tut. l. ult. §. 1. D. de offic. ejus, cui mand.* quibus adde tractat. egreg. Viri Doctiss. G. Noodt de jurisdiction. lib. 2. cap. 2. quod dixi Magistratum debere sententiam executioni dare, id verum est, si rei bona sita sint intra jurisdic-

tionem Magistratus, à quo sententia lata est, nam si reus alio in loco habeat bona, potest Magistratus litteras, quas vocant, requisitoriales mittere ad Magistratum istius loci, ut ibidem exequatur sententia, arg. l. 15. §. 1. D. h. t. l. 13. §. 3. C. de judic. Nov. 134. c. 5. ad S. van Leeuw. in Cens. For. par. 2. lib. 1. c. 33. n. 9. 10. Sande lib. 1. tit. 12. def. 5.

Secundo quæritur, quando executioni detur sententia? Et puto distinguendum esse inter actiones in rem & in personam: nam si sit actio in rem, sed talis, in qua agitur de restituendo, tum statim restitutio facienda est, & sententia executioni mandanda l. 68. D. de rei vind. §. 2. l. de offi. jud. si est actio in personam, in qua agitur de dando vel faciendo, tum induciæ quadrimestres reo conceduntur, quibus elapsis, usuræ centesimæ statim currunt l. ult. pr. §. 1. C. de usur. rei jud. ratio differentię est, quod res aliena, quam quis apud se habet, facilius restitui potest, quam pecunia explicari. Et ideo interdum in actione personali damnato quadrimestre spatium indulgendum non est, nempe si certa species perita sit, veluti in actione depositi, vel commodati, cujus & præstandæ reus facultatem habeat, nam tum post moram periculum ad iudicatum pertinet, & ex die liis contestatæ fructus veniunt l. 7. C. de execut. rei jud. l. 2. C. de fruct. & lit. exp. l. pen. C. deposit. non etiam in interd. de libero homine exhibendo l. ult. §. 2. D. de hom. lib. exhib. A. Matth. disp. 13. th. 2. Wissenb. h. t. th. 7. quæritur an tempus illud ampliari & restringi possit? Resp. distinguendum esse inter eum, qui pro tribunali cognoscit, & inter eum, qui non pro tribunali cognoscit, magistratus ut Prætor, qui pro tribunali cognoscit, potest causa cognita ampliare & restringere tempus l. 2. D. h. t. iudex pedaneus si restrinxerit, ex lege suppletur, quod sententiæ deest, si ampliavit, hoc observandum l. 4. §. 5. eod.

Tertio videndum, quomodo executioni detur res iudicata. Est autem modus eam exequendi non unus: vel enim sit per manum militarem, vel captionem pignorum & distraktionem, vel missionem in possessionem, vel carcerem. Manu militari executio fit, cum quis rem certam sive corpus restituere iussus, non pareat iudici cum possit l. 68. D. de rei vind. Interdum Prætor manu militari exequitur decretum suum de missione in possessionem l. 3. D. ne res fiat ei qui in poss. miss. er. l. 5. §. 27. D. ut in poss. legat. etiam

etiam in capiendis pignoribus sæpe manus militaris adhibetur, ut apparet ex *Suet. Jul. cap. 17. item ex Ciceronis Philippica prima.*

Pignorum capio præcipue locum habet in condemnationibus pecuniariis: solutione etenim non sequente fit pignorum capio & distractio, ut ex pretio victori satisfiat *l. ult. C. de execut. rei jud.* Ordo res capiendi distrahendique est, ut primum res mobiles, imprimis animales pignori capiantur, deinde immobiles, postremo jura & nomina *l. 5. §. 2. D. h. t. l. 5. C. de execut. rei jud.* captis videlicet chirographis seu instrumentis obligationum, aut denuntiando debitori, ne creditori suo, qui condemnatus est, solvat, *arg. l. 4. C. quæ res pign. oblig. poss.* initium à rebus mobilibus ideo fit, quod earum quam immobilium expeditior minusque damnoſa sit venditio; postremo à nominibus, quod in iis persequendis res haberi debet, non tantum cum condemnato, sed cum extraneis ejus debitoribus, qui si redacti sunt ad inopiam, nomina inutilia redduntur. *Gud. l. de jur. novis. lib. 4 c. 14.*

Hunc executionis ordinem an iudex postulante creditore intervertere possit, quaeritum est? *Bartolus, Daarenus* alique affirmant ad *d. l. 15. §. 2.* ideo quod magis creditoris quam debitoris favore, hic ordo sit introductus. Rectius tamen *Donellus, Maranta & alii* negant: quia magis debitoris gratia hic ordo constitutus videtur *d. l. 15. §. 2. l. 1. §. 20. D. de vent. in poss. ut* atque adeo si executor eum neglexerit, potest ab eo appellari *l. 5. C. quor. appell. non recip.* Annona & stipendia militum, nec non commoda præmiorum, quæ athletis præstantur pro coronis, non possunt capi, quandiu supersunt res aliæ, ex quibus iudicato satisfieri possit *l. 4. C. de execut. rei jud. l. 4. D. h. t. eadem* conditione servi aratores, boves aratorii, instrumentaque aratorii pignori capi nequeunt *l. 7. & seq. C. quæ res pign. oblig. non poss. Perez. ad Tit. C. de execut. rei jud. n. 12. & seq.*


Pignora capta solent post duos menses distrahi publice sub hasta, & ad id ei pluris licitanti, & si quid superfuerit, hoc debitori reddetur *l. 15. §. 2. l. 31. D. h. t. l. 3. §. 2. D. de neg. gest. l. 3. C. de execut. rei jud.* nec refert utrum extraneus emptor sit, an is qui iudicio vicit *l. 2. C. si in caus. jud. pign. capt. sit.* Distrahenda autem sunt præſenti pecunia *l. 15. §. 7. in med. h. t.* si emptorem non invenerint, addicenda sunt ipsi, cui quis condemnatus est, & quidem ea quantitate, quæ debetur *l. 15. §. 3. Gud. l. dist. loc.*

Priusquam ad ultimum executionis modum perveniam, illud videndum est, cui & adversus quem detur actio rei judicatae, & placet ei dari, qui obtinuit in sententia, item heredi ejus *l. 6. §. ult. D. h. t.* datur autem adversus condemnatum, & ejus heredem, quia est persecutoria *d. l. 6. §. ult.* quasi ex contractu; & ideo quoque contra patrem de peculio datur, condemnato filio, etiam ea ex causa, ex qua pater ab initio conveniri non potuit *l. 3. §. 11. D. de pecul.* quod si per procuratorem egit reus, ex juris subtilitate contra illum agitur: hoc tamen jure utimur, ut si procurator actione rei judicatae conveniatur, possit se tueri exceptione doli *l. 28. D. de Procurat.* hoc verum est, nisi procurator liti se obtulerit, aut in rem suam datus sit, aut domino litis heres extiterit *l. 31. D. eod. l. 4. D. h. t.* quod si plures una sententia in eandem quantitatem condemnati sint, in singulos pro partibus hæc actio datur *l. 43. D. eod. l. 1. & 2. C. si plur. un. sent. cond. sint.* Si tutor vel curator condemnatur, in pupillum & minorem danda executio *d. l. 4. §. 1.*

Datur hæc actio adversus reum condemnatum in solidum, & si is solidumolvere non potest, in carcerem conjicietur, in quo manere debet, donec ultimum quadrantem persolverit; conjecti porro in carcerem si non habeant, unde se alere possint, alimenta illis modica ab actore sunt præstanda, quod *l. 12. Tabb. cautum* refert *Gell. lib. 20. cap. 1.* & huc respicit *l. 34. D. h. t.* Plane potest condemnatus qui solvendo non est, lege Julia carceris squalorem effugere, si bonis cedere mavult *l. 4. C. qui bon. ced. pos.* dum tamen cedat omnibus, ne teruncio quidem recepto *l. 1. C. l. 6. D. eod.* ita ut flebile & miserabile beneficium sit *l. pen. C. eod.* Bonis autem cedere non tantum in jure, sed & extra jus potest, sola voluntatis professione, & sufficit, per nuncium vel per epistolam id declarari *l. 6. C. l. pen. & ult. D. eod.* sed ita tamen, si civilis causa sit, non si criminalis sit: in criminalibus enim ista regula utimur: qui non habet in are, luat in corpore *l. 7. §. 3. D. de jurisdict. l. ult. D. de in jus vocand.* in contrariis ista; inanis est actio, quam excludit inopia debitoris *l. 6. D. de dol. mal.* si bona cessa sunt, hæc sibi non habent creditores, sed distrahunt, ut sit ex causa judicati *l. 4. C. qui bon. ced. l. ult. D. de curat. bon. dand.* Et si solidum acceperint, liberatur cedens: sin minus, non inquietabitur, inzerim, nec in carcerem ducetur. Sed si postea ad meliorem fortunam

tunam pervenerit, cogitur reliquum solvere, competentia bene-
 neficio tunc usuris *l. 4. 6. 7. D. & l. 1. C. qui bon. ced. poss.* Sunt præ-
 terea quædam personæ, quæ non nisi in id quod facere possunt, ex
 iudicato conveniantur. Cujusmodi beneficium tribuitur patri &
 patrono ob reverentiam eis à liberis & libertis exhibendam *l. 16.
 17. 30. D. h. t.* Socio, quoniam inter Socios consistit quoddam jus fra-
 ternitatis *l. 63. D. pro Socio.* nec refert utrum Socii sint univerfo-
 rum an bonorum particularium *l. 16. D. h. t. & d. l. 63.* Donatori, ne
 liberalitate sua redigatur ad inopiam *l. 19. §. 1. h. t.* & hoc rece-
 ptum est ex rescripto Divi Pii in *l. 28. D. de R. l. militi stipendia-
 rio,* propter meritum in Rempub. *l. 6. & 18. D. h. t.* Idem indul-
 getur marito, qui conventus est ab uxore super restitutione con-
 sumptæ doris: ea enim marito reverentiam quoque debet *l. 20.
 eod. l. 1. §. 7. C. de rei uxor. act.* Socero etiam ob dotem promissam
 convento idem beneficium concessum est, quia parentis loco ha-
 betur *l. 15. §. ult. l. 16. & 17. D. solut. mar.* nec distinguitur in *d. ll.*
 sit ne Socer uxoris, an mariti.

FINIS.



FLORUM SPARSIO

in Præstantissimos Fratres

L A N G I O S ,

Quum Academicis studiis exerciti,

HADRIANUS post Disputationem

*De Re Judicata, & de Effectu Sententiarum,
& de Interlocutionibus*

Habitam

Juris Utriusque Doctor renuntiatus, DANIEL
peractis examinibus jam proluta,
HAGAM migrarent.

Si quid adhuc varia distinctum graminis herba
Florigeri vernans, Henna, coloris habes.
Si veterestibi, Pæste, rosæ nascuntur, ad urbem
Proventus meet hanc, Pæste vel Henna, tuus.
Aut potius de valle tuâ decerpere lætas,
Hierichus, palmas, ambitiosa, detur.
Has etenim meruistis; & ut meruistis, honorem
O mea si vobis posset habere manus!
Sic ego dum voveo, quia talis adorea vestra est,
Heu! procul & palmas & video esse rosas.
Nulla juvant, en, vota manum; nil tale parati est,
Quo pars exterior conspicienda foret.

Alter

Alter quærendus decoris modus, altera merces,
 Longe ab perpetuis sint peritura brevi.
 Laus animi fructusque animo mittendus ab ipso,
 Quem referant vero concita verba sono.
 Nam neque vos horas sivistis fallere corpus:
 Debuit interior pars meruitque coli.
 Quò ratio constans, quò vox humana, modusque
 Quò vitæ firmus, mens & acuta foret.
 Hinc sudor pulvisque, hinc concursatio, & acris
 In stadio vere cursus Olympiaco.
 Tali servitio depressum est corpus honestè,
 Vis animi ut posset jure volare suo,
 Ac bene perspicuens raptare, quod utile, tantæ
 Quod majestati conveniensque patet.
 Post ita collectos flores tamen hæsit in uno,
 Uno, sed quo nil sanctius esse potest.
 Esse sacerdotes juris cupiistis & æqui.
 Hinc bona naturæ maxima discit homo.
 Hæc vis magna Dei: nullus cui restitat: unus
 Semper in immota Terminus arce manens.
 Nulla potestatis quam contemplatio deber
 Lædere, non ullum quam violare scelus.
 Non ea muneribus frangi valet: illa tyranni
 Insurgentis opes delpuit atque minas.
 O homo, justitiam qui discere negligis, ausus
 Dona vel affectus ante tulisse Deo!
 Teque novi juris, falsæ sub imagine vocis,
 Ferre repertorem (tertius ille fuit
 Nomine Cæsareo talis) quàm torridus æstus
 Te quatit? & quæ sunt, Tiberiana facis?
 Sint obscura licet momentaque tenuia causas
 Convertant, sunt hæc excutienda tamen.

C

In

In causa quicunque sedes, examina nosse
Te decet ista! loci flagitat ordo tui.
Inspice quàm sit mira rei, quam volvis, origo:
Unde sit in nostros illa redacta libros.
Non id nescio quid sic exiguum esse videbis.
Res penitus sancta est auspiciūque rei.
Hanc mentem Judæa Deo donante recepit;
Sed celans reliquos ut penetrare sacrum.
At tamen ingenii potuit decerpere partes
Divinas aliquot Græcia flore sui.
Imperium, Romane, tuum tamen omnia limans
Tempore & eventu castius expoliit.
Roma, bonum populi, non unius, una probavit
Lege sua populum tam bene posse regi.
Propterea est aliquid Livio duce nosse Tribunal,
Et modo Consulibus libera verba data,
Post etiam ab Prætoribus: sed appella te Quirites
Damnato, populi jura fuisse super.
Sicque modos legum libertatisque verendæ
Civili & firma præside lance geri.
Rursus & est aliquid Tacito duce, jura per arma
Perque dolos populo cernere dempra suo.
Cæsaris unius posthac quodcumque voluntas
Exigeret, legis voce fuisse datum.
Præfectoque urbi, quæ singula Prætor haberet,
Extracto per fas omnia perque nefas
Huic soli concessa; forique prioris in umbra
Nec speciem reliquam nomine vixque tenus.
Ille tribunalis cornu qui sedit in imo,
Pro vero fecit plurima serva mero.
Atque ita quum fuerint spectata hæc publica jura,
Et mens Romanæ cognitione vicis

Jam

Jam fuerit formata, dein ad quæque sagacem
Singula spectandum pergere certa via est.
Hæc vobis calcata fuit; Digestaque vestras
Senferunt lotas non nisi rite manus.
Spargimus hinc merito laudes, hinc omina fausta,
Vos cordique bonis sic fore, vosque Deo.
Ille bonæ cœpit quæ vobis munera mentis
Largiri, assidue substruat usque manu!

Quod voveo

JACOBUS GRONOVIVS.

C 2

Ad

*Ad Præstantissimum, Doctissimum, Erectæque
indolis*

VIRUM JUVENEM

D. ADRIANUM DE LANGE,

*Cum, habitâ, de Re Judicatâ, & de Effectu
sententiarum, & de Interlocutionibus,*

Disputatione, Eruditorum applausu

J. U. D. crearetur,

JACOBI HOOGHCAMER

Προσφωνησις.

O quam beatos nos fore credidit
Olim vetustas, aurea sæcula
Mortalitati si tremendum
Redderet intemerata numen.

*Saturnus ævum falcifer attulit,
Quo pœna, terror, vindice judice,
Sententiarum nec sequelæ
Congeries erat exequenda;*

*Uncos, catastas, non miseri rei
Horrent numellas; non vadimonia,
Non licitor, aut carcer, secures,
Non Gyari vada nominata;*

Ser-

Servile nomen stigmate frontium
Signare nescit nescia gens mali;
Non rostra, nec fasces timendi,
Imperium neque *Manlianum*.

Busiris haud se rex per inhospita
Præbebat acrem crimina, nec truem
Horrore mugitus bovini
Exhibuit *Phalaris* Perillo.

Orbis *Vacune* sacra peregerat.
Mutata scena est. Iussa *Decemviri*
Consulta leges ac Senatus
Invaluere graves, pavendæ.

Delicta plecti post cineres videt.
Minoa adæquant *Eumenidum* chori;
Denuntiat fatum supremum
Tartareis *Rhadamanthus* umbris.

Infauſta terris incubuit cohors
Nimbus malorum; flagitiis dedit
His fræna cancellosque iudex,
Pœna premens comitatur ausus.

Hæc nos venustè *LANGIUS* edocet,
Fax veritatis, ſtemmate Nobili,
Ut ſidus effulgens *Lycaeo*
Ingenio generoſiore.

Aſtræa neſtit diva coronulas,
Et docta circum tempora laureas;
Te vota doctorum ſalutant
Auspiciis, *Themidos* ſacerdos;

Inſiſte avorū^a gressibus optimis,
Defensor æqui, conciliet sibi
Per te favorem sic patronus,
Respiciat tua vota Judex.

Post vota patrum candida veritas
Prodens amictu, filia temporis
Exsurgat, haud unquam resolvi
Quæ poterit neque dimoveri.

Hæc sint labori debita præmia,
Interloquentes quis ferat? arbiter
Causam senatus terminavit,
Et resonant fora: judicata est.

